

Ni Presidente Henry B. Eyring

Umuna a Mammagbaga  
iti Umuna a Panguluén



# Makapagdedenna a Sangkamaysa dagiti Pamilia iti Agnanayon

**T**i bileg ti priesthood a mangbegkes kadagiti pamilia iti agnanayon ket maysa kadagiti kaindaklanan a sagut ti Dios. Tunggal tao a makaawat iti plano ti pannakaisalakan ket aggagar iti dayta manayon a bendision. Kadagiti laeng seremonia ti panaglantip a maan-annong kadagiti naidaton a templo ti Ti Simbaan ni Jesucristo dagiti Santo iti Ud-udina nga Aldaw nga ited ti Dios ti kari a mabalin a mabegkes a sangkamaysa dagiti pamilia iti agnanayon.

Dagiti tulbek ti priesthood a mangaramid a posible daytoy ket insublin iti daga ni propeta Elijah ken ni Joseph Smith iti Templo ti Kirtland. Dagita a tulbek ti priesthood ket naipasan iti saanen a mapugsat a linia babaen dagiti sibibiag a propeta iti Ti Simbaan ni Jesucristo dagiti Santo iti Ud-udina nga Aldaw agingga iti agdama nga aldaw.

Ti Mangisalakan iti panagserbina iti daga insaona maipapan iti bileg a mangilantip kadagiti pamilia babaen ti balikas ni Pedro, ti panguluén nga Apostolna, idi kinunana, “Pudno kunak kadakayo, Aniaman a galutanyo ditoy daga magalutanto idia langit: ket ti aniaman a warwaranyo ditoy daga mawarwaranto idia langit” (Mateo 18:18).

Iti laeng celestial a pagarian a makapagbiagtayo kasangapamiliaan iti agnanayon. Sadiay a makapagbalintayo a sangapamiliaan iti sidong ti Nailangitan nga Amatayo ken ti Mangisalakan. Inladawan ni Propeta Joseph Smith ti nakaskasdaaw a padas iti kastoy a wagas iti Doktrina ken Katulagan:

“Inton agpakita ti Mangisalakan makitatayonto ti mismo a kinasiasinona. Makitatayonto nga isu ket tao a kas kadatayo.

“Ket dayta met laeng a pannakipulapol nga adda kadatayo ditoy addanto met kadatayo sadiay, makaduaanto laeng iti agnanayon a gloria, a kinadayag a saantayo ita a malak-am” (DkK 130:1–2).

Isingasing daytoy a nasantuan a kasuratan a kabaellantayo nga addaan panagtalek ti manggandat iti nailangitan a pagrukodan kadagiti pannakilangentayo iti ikub dagiti pamiliatayo. Umdas a maipategtayo dagiti miembro ti pamiliatayo, sibibiag ken natay, nga aramidentayo ti amin a kabaellantayo a maited kadakuada dagiti ordinansa ti priesthood a mangbegkesto kadatayo idia langit.

Adu kadakayo, ubbing ken nataengan, ti mangar-aramid iti dayta. Nagsapulakayon iti nagnagan dagiti kapuonan a saan pay a nakaawat kadagiti ordinansa a makailantip kadakayo a sangkamaysa.

Dumani amin kadakayo ket addaan kadagiti sibibiag a kabagian a saan pay a napaglantip kasangapamiliaan babaen ti bileg ti priesthood. Adu nga addaan kadagiti sibibiag a kabagian nga immawaten kadagiti ordinansa ti priesthood ngem saan nga agtungtungpal kadagiti katulagan nga inaramidda iti Dios. Bendisionannakayto ti Dios tapno kabaellanyonto a tulongan ti amin a kabagian nga addaan iti pammati. Addaankayo iti kari nga aramiden ti

Apo kadagiti disipulona a mapan ken mangyeg kadagiti dadduma Kenkuana:

“Ket asino man a mangawat kadakayo, addaakto met sadiay, ta addaakto iti sangoyo. Addaakto iti makanawanyo ken iti makanigidyo, ket addanto ti Espirituk iti puspuso, ket likmutendakayonto dagiti anghelko, a mangtarabay kadakayo” (DkK 84:88).

Manipud iti tawa ti opisinal daw a makitak dagiti nobia ken nobio nga agparetrato iti yan dagiti napipintas a sabsabong ken dagiti agpuspussuak a danum wenno fountain. Masansan no kua a sakruyen ti nobio ti nobiana, iti uray sumagmamano laeng a nainnayad nga addang, idinto nga alaen ti retratista dagiti ladawanda para iti kallaysa. Tunggal kanito a makitak dayta, mapanunotko dagiti agassawa a naam-ammokon nga iti maysa a panawen—naminsan iti ababa a panawen kalpasan ti aldaw ti kallaysada—nasken nga agsinnakruyda wenno agtinnulongda iti dadduma pay a wagas idi nagbalin a narigaten ti panagbiag. Mabalina a maawan dagiti pagtrabahuan. Mabalina a mayanak dagiti ubbing nga adu dagiti pannubok. Mabalina a dumteng ti panagsakit. Ket kalpasanna, dagiti inaramidtago kadagiti dadduma a kas kayattayo nga aramidenda met kadatayo—no nalaklaka—ket mamagbalinto kadatayo a bannuar kadagita mapannubok a panawen no nadagdagsen pay daytoy ngem iti impagaruptayo a mapasamak kadatayo.

Utangtago kadagiti pamiliatayo ti kita ti pannakilangan nga isangbaytago iti sidong ti Dios. Nasken nga ikarigatantayo ti saan a mangpasakit wenno masakitan. Mabalina nga ikeddengtago ti mamakawan a dagus ken naan-anay. Mabalina nga ikarigatantayo ti mangikalikagum iti pagragsakan dagiti dadduma a ad-adda ngem iti pagragsakantayo. Mabalintayo ti agsao iti nasayaat. No ikarigatantayo nga aramiden amin dagitoy a banag, maawistayo ti Espiritu Santo kadagiti pamiliatayo ken iti biagtago.

Ipanamnamak kadakayo, a babaen ti tulong ti Apo ken addaan iti agbabbabawi a puso, makitayo iti daytoy a biag ti kita ti biag a kayattayo a maaddaan iti agnanayon. Ay-ayatennatayo ti Nailangitan nga Ama. Kayatna nga agsublitayo Kenkuana. Ti Mangisalakana, babaen ti bileg ti Pannubotna, aramidenna a posible ti panagbalaliw iti puspusotayo a kasapulantayo tapno makastrektayo kadagiti nasantuan a templo, maaramidtago dagiti katulagan a matungpaltayo kalpasanna, ket iti kamaudiananna

makapagbiagtago kas sangapamiliaan iti agnanayon iti celestial a gloria—iti pagtaengan manen.

---

## PANANGISURO MANIPUD ITI DAYTOY A MENSAHE

Bayat ti panangibinglaygo iti doktrina ti agnanayon a familia, panunotenyong ni kinuna ni Elder Richard G. Scott ti Korum dagiti Sangapulo-ket-dua nga Apostol: “Kanayon a kalikagumanyo ti mangpapigsa kadagiti familia. Mangisuro nga addaan iti pannirigan ti kinapateg dagiti familia a mailanlantip iti templo. . . . No addaankayo iti pannirigan dagiti pangilantip nga ordinansa ti templo, makatulongkayto a mangbangon iti pagarian ti Dios iti daga” (“I Have Given You an Example,” *Liahona*, Mayo 2014, 34). Kasano a matulonganyo dagiti surruanyo a maaddaanda iti pannirigan ti kinapateg dagiti familia a mailanlantip iti templo? Awisenyo dagiti saan pay a nailantip tapno ilawlawagda dagiti addang a mabalinda nga alaen nga agturong iti dayta nga ordinansa. Awisenyo dagiti nailantip tapno ilawlawagda no kasano a matungpalda ti pannirigan ti agnanayon a familiada ken agtrabahoda tapno mapadur-as dagiti pannakilangenda iti tunggal maysa.

## AGTUTUBO

### Agnanayon a Naisilpo iti Pamiliak

Ni Laura Burton

Idi naamponak idi tallo ti tawenko, impalubos ti pudno nga inak a maaramid laeng a pinal ti panagampon no anamongan dagiti nagannak kaniak a maaramidto kaniak dagiti ordinansa ti Simbaan kalpasan nga agtawenak iti 12. Napanunotna a kasapulan a manakmanak nga agaramid iti pili para iti bagik, ngem talaga a narigat ti aguray.

Wen, narigat kaniak a makakita iti adu a gagayyemko a mabuniagan no agtawendan iti walo, ngem narigrigat pay ti pannakaammok a saanak a mailantip kadagiti nagannak a nangampon kaniak ken kadagiti lima nga in-inauna pay a kakabsatko agingga nga agtawenak iti 12. Mabutengak idi amangan ta adda banag a mapasamak kaniak ket diakton mailantip pay kadakuada.

Iti yaasideg ti maika-12 a panagkasangayko, rinugianmi ti panagplano iti panagbuniagko ken pannakailantipko iti pamiliak. Pinagpildak dagiti dadakkelko no ania a templo ti pakailantipanmi. Kanayon idin a napanunotko a ti Templo ti San Diego California ti kapintasan, isu nga immanamong ti sibubukel a pamiliak nga agbiahekami a mapan iti California para iti pannakailantip.

Diakon makauray tapno agbalin nga agnanayon a pamilia a kadennak dagiti dadakkelko ken kakabsatko. Bayat ti pannakailantipko, nariknak ti Espiritu a sipipigsa ta narigatko nga isawang daytoy iti balikas. Ita ta iti kamaudianan nailantipakon iti pamiliak, dagiti riknak a madandanagan ket nasukatan iti liwliwa ken talna, iti pannakaammok nga agnanayon a naisilpoak kadakuada.

*Agnaed ti nagsurat iti Utah, USA.*

## ANNAK

### Ipapan iti Templo

Lawlawag ni Presidente Eyring a gapu iti priesthood, maaddaantayo iti gundaway a mapan iti templo tapno mailantip a sangkamaysa iti pamiliatayo para iti kinaagnanayon. Mangidrowing wenno mangsapul iti maysa a ladawan ti paggugustoyo a templo ket ikabil daytoy iti lugar a makitayo daytoy iti inaldaw. Agaramidkayo iti listaan ti no kasano a makapagsaganakayo a mapan iti templo iti maysa nga aldaw.



Pammati • Pamilia • Tulong

# Dagiti Kababalin ni Jesucristo: Saguday

*Nainkararagan nga adalenyo daytoy a material ken kalikagumanyo nga ammuen no ania ti ibinglayyo. Kasano a ti pannakaawatyo kadagiti nadiosan a kababalin ti Mangisalakana ket mangpapijsa iti pammatiyo Kenkuana ken mangparabur kadagiti ay-aywananyo babaen ti visiting teaching? Para iti ad-adu pay nga impormasion, mapan iti [reliefsociety.lds.org](http://reliefsociety.lds.org).*

*Daytoy ti paset ti maysa a serye dagiti Mensahe iti Visiting Teaching a mangitampok kadagiti nadiosan a kababalin ti Mangisalakana.*

**M**apno koma met ti lalaemmo iti kinamanangngaasi kadagiti amin a tao, ken kadagiti kapammatian, ket taraonan koma ti saguday ti pampanunotmo nga awan ressatna; sa kalpasanna mapapigsa ti panagtalekmo iti imatang ti Dios; ken mailimog koma iti kararuam ti doktrina ti kinasaserdote a kas iti linnaaw nga aggapu iti langit” (DkK 121:45).

Ania ti saguday? Kinuna ni Presidente James E. Faust (1920–2007): “Ti saguday iti naan-anay a kaipapananna ket sakupenna ti amin a kababalin ti kinalinteg a makatulong kadatayo a mangsukog iti ugali-tayo.”<sup>1</sup> Innayon pay ni Presidente Gordon B. Hinckley (1910–2008): “Ti ayat ti Dios isu ti ramut ti amin a saguday, ti amin a kinaimbag, ti amin a pigsa ti kababalin.”<sup>2</sup>

Maipapan iti pakainaigan dagiti babbai iti saguday, kinuna ni Elder D. Todd Christofferson ti Korum dagiti Sangapulo-ket-dua nga Apostol: “Isangbay dagiti babbai ti pudno a saguday ditoy lubong, maysa a saguday a mangaramid kadakuada a nalaing iti panangitukit kadagiti kasta a kababalin kas iti pammati, tured, pannakipagrikna,

ken pannakapatarnaw dagiti pannakilangen ken kultura. . . .

“Kakabsat, iti amin a pannakipulapolyo, ti relasyonyo iti Dios, ti Nailangitan nga Amayo, nga isu ti pagtaudan ti nadayaw a bilegyo, ti nasken a kanayon nga umuna nga ipagpangrunayo iti biagyo. Laglagipenyoy nga immay ti bileg ni Jesus babaen ti naipamaysa a debosionna iti pagayatan ti Ama. . . . Ikarigatanyo ti agbalin iti kasta a kita ti disipulo ti Ama ken ti Anak, ket saanto nga agkupas ti impluensiyayo.”<sup>3</sup>

## **Dagiti Mainayon a Nasantuan a Kasuratan**

Dagiti Salmo 24:3–5; Taga Filipos 4:8; 2 Pedro 1:3–5; Alma 31:5; DkK 38:23–24

## **Manipud kadagiti Nasantuan a Kasuratan**

Ita, dagiti nainsagudayan a babbai, napnuan iti pammati, umasiddegda iti Mangisalakana. Iti Lucas 8 mabasatayo maipapan ti maysa a babai nga agsagsagaba iti panagpabulos iti dara iti uneg ti 12 a tawen a saan a maagasan. Tinarigagayanna ti maagasan idi “immay iti likudan ni [Cristo], ket sinagidna ti gayadan ti pagan-anayna: ket naigiddato a [nagsardeng] ti panagpabulos ti dara. . . . Ket kinuna ni Jesus, Adda

nangsagid kaniak: ta nariknak nga adda rimmuar a pannakabalin<sup>4</sup> kaniak.” Nagpakleb daytoy nainsagudayan ken napudno a babai iti sanguananna, a mangibagbaga “kenkuana iti sango ti amin a tao” a “sinagidna isuna” ket “naigiddato a naagasan. “Ket isu kinunana, Anakko, ti pammattim pinasalun-atnaka” (kitaen iti Lucas 8:43–48; kitaen met iti 6:17–19).

Babaen ti sagudayna,<sup>5</sup> kabaellan ni Cristo ti mangagas, mangpabael, mangpapijsa, mangliwliwa, ken mangparagsak no pilientayo nga addaan iti tured ken pammati tapno makadanontayo Kenkuana.

### **DAGITI NAGADAWAN**

1. James E. Faust, “The Virtues of Righteous Daughters of God,” *Liahona*, Mayo 2003, 108.
2. Gordon B. Hinckley, “Excerpts from Recent Addresses of President Gordon B. Hinckley,” *Ensign*, Abr. 1996, 73.
3. D. Todd Christofferson, “The Moral Force of Women,” *Liahona*, Nob. 2013, 29, 31.
4. Adda bileg ti saguday (kitaen iti Marcos 5:30).
5. Iti Pangiwanwan iti Nasantuan a Kasuratan, ti “Kinasaserdote [Priesthood]” ket kaipapananna a kas: “Ti awtoridad ken bileg nga ited ti Dios iti lalaki nga agtignayn iti amin a banag para iti pannakaisalakan ti tao” (DkK 50:26–27).

### **Ibilang Daytoy**

Kasano a pabilgen ken papijsaennatayo ti saguday?